

Тақво ва вараъ | Тазкия дарслари (251-дарс)

Тазкия

251-ДАРС

Шайх Мухаммад Содик Мухаммад Юсуф роҳимаҳуллоҳнинг «Тасаввуф ҳакида тасаввур», «Рухий тарбия» 1-2-3-жузи ва «Хислатли хикматлар шархи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.



19:00 / 15.10.2023 923

«Тақво» ва «вараъ» (парҳезкорлик) сўзларини биргаликда зикр қилиш одатга айланиб қолган. Иккиси бир-бирининг ўрнига ишлатиладиган ҳолатлар ҳам бор. Баъзида иккисининг орасида фарқ борлиги мулоҳаза қилинади. Келаси сатрларда мана шу икки сифат ила батафсилроқ танишиб чиқишига ҳаракат қиласиз.

ТАҚВО

Аллоҳга тақво қилиш Ундан қўрқишидир. Аллоҳдан қўрқиш эса гуноҳ ишларни тарқ этиш ва савоб ишларни кўплаб қилиш ила содир бўлади.

Ислом динини бир томонлама талқин қилувчиларда тақводорлик тўғрисида нотўғри тушунча шаклланган. Аксарилар тақвони тарки дунё қилиш, қоронғи хонага кириб, зикру ибодат билан машғул бўлиш деб тушунадилар.

Аслида «тақво» сўзи «сақланмоқ», «эҳтиёт бўлмоқ» маъноларини англатади. У «виқоя» сўзидан олинган бўлиб, бир нарсани унга озор ва зарар берадиган нарсадан сақлашни англатади. Бинобарин, тақво ўзини қўрқинчли нарсадан сақлашдан иборат. Гоҳида «тақво» хавф маъносида ёки аксинча ҳам ишлатилади.

Ҳазрати Умар розияллоҳу анҳудан: «Тақво нима?» деб сўралганда, «Араблар сертикан майдондан ялангоёқ бўлиб, тикандан сақланиб ўтиб

кетишни тақво деб атайдилар», деганлар.

Ҳаётда гуноҳ ишлар ҳам худди тиканларга ўхшайди. Ким улардан эҳтиёт бўлмаса, озор чекади, улардан сақланиб юрган киши эса тақво қилган бўлади. Оқибатда тақво инсон қалbidаги ҳолатга айланади. Бу ҳолат қалбни ҳассос қилиб, ҳар доим Аллоҳ таолонинг сезгиси билан яшайдиган қилиб қўяди.

Тақвонинг истилоҳий маъноси ҳақида уламолар бир-бирини тўлдирувчи бир қанча таърифларни айтганлар:

Роғиб:

«Шариат урфида тақво нафсни гуноҳдан муҳофаза қилишдир. Бу ман қилинган нарсаларни тарқ этиш илиа бўлади. Баъзи мубоҳларни тарқ қилиш илиа мукаммал бўлади», деган.

Ферузободий:

«Тақво ҳар бир заарали нарсадан, яъни маъсиятдан ва ортиқча, кераксиз нарсалардан четда бўлишдир. Шунга биноан, у фарз ва нафлга тақсимланади», деган.

Ўтган азизлардан Толқ ибн Ҳабиб:

«Тақво Аллоҳнинг раҳматидан умидвор бўлиб, Унинг нури илиа Унга тоат қилмоқ ва Аллоҳнинг азобидан қўрқиб, Унинг нури илиа қайтарган ишларини тарқ қилмоқдир», деган.

Қуръони Каримда «тақво» сўзи «хавф», «қўрқиши», «ибодат», «маъсиятни тарқ қилиш», «тавҳид» ва «ихлос» каби маъноларда ишлатилган.

«Руҳий тарбия» китобининг 2-жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2021 йил 14 апрелдаги 03-07/2439-рақамли хulosаси асосида чоп этилган.